

Ўзбекистон Республикаси Иқтисодий тараққиёт ва камбағалликни кискартириш вазирлиги “Маҳаллабай ишлаш ва тадбиркорликни ривожлантириш агентлиги” Аҳолини тадбиркорликка жалб қилиш жамғармаси ҳисобидан субсидия ажратиш тўғрисида икки томонлама
ШАРТНОМА № Қува Т-1

«10» октябрь 2022 й.

Фарғона шаҳар

“Маҳаллабай ишлаш ва тадбиркорликни ривожлантириш агентлиги Фарғона вилоят ҳудудий бошқармаси (кейинги ўринларда Бошқарма бошлиғи деб юритилади) номидан Бошқарма бошлиғи А.А.Абдуллаев бир тарафдан, “ОQJAR SIFAT SERVIS” МЧЖ номидан директор Ниёзов Сирожиддин Салайдинович иккинчи тарафдан ўтказилган тендер натижаларига асосан (*тендер протоколи илова қилинади*) қуйидагилар тўғрисида ушбу шартномани туздилар:

I. Шартнома предмети

1.1. Ўзбекистон Республикаси Вазирлар Маҳкмасининг 2022 йил 11 майдаги ВМ-252-сонли “Ўзбекистон Республикаси Иқтисодий тараққиёт ва камбағалликни кискартириш вазирлиги ҳузуридаги маҳаллабай ишлаш ва тадбиркорликни ривожлантириш агентлигининг аҳолини тадбиркорликка жалб қилиш жамғармаси маблағлари ҳисобидан субсидиялар ажратиш тартиби тўғрисидаги низомни тасдиқлаш ҳақида”ги қарори ижроси юзасидан ушбу Шартнома тузилди.

1.2. Банд бўлмаган томорка ер эгалари учун енгил конструкцияли иссиқхоналар ўрнатиш, уруғликлар, кўчатлар ва суғориш воситалари харид қилиш учун Ўзбекистон Республикаси Иқтисодий тараққиёт ва камбағалликни кискартириш вазирлиги ҳузуридаги “Маҳаллабай ишлаш ва тадбиркорликни ривожлантириш агентлиги” Аҳолини тадбиркорликка жалб қилиш жамғармаси (бундан буён матнда жамғарма деб юритилади) маблағлари ҳисобидан субсидия берилади.

1.3. Мазкур шартнома бўйича Бошқарма тўловни амалга ошириш ва “ОQJAR SIFAT SERVIS” МЧЖ Қува туманида мавжуд бўлган 20 нафар томорка ер эгасига маҳсулотларни етказиб бериш (ўрнатиш), томорка ер эгаси эса харид қилинган воситалардан самарали фойдаланиш мажбуриятини зиммасига олади.

№	Маҳсулот номи	Ўлчов бирлиги	Маҳсулот миқдори	Қуриб берилиши керак бўлган иссиқхоналар сони	1 дона маҳсулот баҳоси	Жами суммаси
1	Енгил конструкцияли иссиқхона	м2	100	20	9 000 000	180 000 000
Умумий суммаси						180 000 000

Шартнома бўйича (ҚҚСсиз) умумий суммаси **180 000 000 (Бир юз саксон миллион)** сўмни ташкил этади (сўзлар билан ёзилади).

II. Субсидия миқдори, тўлов шартлари, кўрсатиладиган хизматлар сифати ва бажарилиш муддатлари

2.1. “ОQJAR SIFAT SERVIS” МЧЖ субсидия олиш учун Бошқармага томорка ер эгалари билан тузилган шартномани тақдим этади. Шартномага асосан Бошқарма томорка ер эгалари учун енгил конструкцияли иссиқхоналар ўрнатиш учун энг кам ойлик иш ҳақининг 30 баробаригача “ОQJAR SIFAT SERVIS” МЧЖ га субсидия тўлаб беради.

2.2. ВМ 252-сонли қарорининг 3-Боб 11-қисмига асосан “Онлайн-Маҳалла” электрон платформа марказ раҳбари хулса берганидан сўнг, Бошқарма бошлиғи буйруғи қабул қилинади.

2.3. ВМ 252-сонли қарорининг 3-Боб 12-қисмига асосан “Хабарнома юборилган кундан бошлаб Агентликнинг ҳудудий бошқармаси етказиб берувчи ташкилот ва томорқа ер

эгаси ўртасида ўн иш кунда уч томонлама шартнома тузиш чораларини кўради” шартнома тузилади.

2.4. Шартнома имзолангандан кейин ВМ 252-сонли қарорнинг 1-боб 14-бандига асосан 5 кун мобайнида Бошқарма “OQJAR SIFAT SERVIS” МЧЖга шартноманинг умумий суммасининг 30% миқдорини тўловни ўтказиб беради. Шартнома умумий суммасининг қолган 70% тўловини “OQJAR SIFAT SERVIS” МЧЖ маҳсулотни Қува туманида мавжуд бўлган 20 нафар томорқа ер эгасига тўлиқ етказиб берилгандан сўнг, тузилган далолатномага асосан Бошқарма томонидан тўлаб берилади.

2.5. Қува туманида мавжуд бўлган 20 нафар фуқаролар томонидан бажарилган иш ёки хизмат ва етказиб берилган маҳсулотни қабул қилиб олганлиги тўғрисидаги далолатномага ҳоким ёрдамчиси ҳам имзо чекади ва фуқаро томонидан мақсадли фойдаланиши юзасидан доимий мониторинг олиб боради ва шахсан жавоб беради.

III. Шартнома тарафларнинг ҳуқуқ ва мажбуриятлари

3.1. Бошқарманинг ҳуқуқ ва мажбуриятлари:

тақдим этилган икки томонлама шартномани ўз вақтида имзолаш ва шартномада назарда тутилган субсидияни ўз вақтида тўлаб бериш;

Қува туманида мавжуд бўлган 20 нафар томорқа ер эгаларига шартномада назарда тутилган маҳсулотлар етказиб берилмаган тақдирда пул маблағларини қайтариб олиш бўйича “OQJAR SIFAT SERVIS” МЧЖга талабнома бериш;

“OQJAR SIFAT SERVIS” МЧЖ ва томорқа ер эгаларидан шартномага кўра харид қилинган маҳсулот етказиб берилганлиги бўйича ҳоким ёрдамчиси далолатномасини олиш; шартнома бўйича енгил конструкцияли иссиқхоналар ўрнатишга ажратилган субсидияни “OQJAR SIFAT SERVIS” МЧЖ га тўлаб бериш.

3.2. “OQJAR SIFAT SERVIS” МЧЖ нинг ҳуқуқ ва мажбуриятлари:

Томорқа ер эгаларига шартномада кўрсатилган хизматларни ўз вақтида кўрсатиш;

Амалга оширилган ишлар юзасидан маълумотларни Бошқармага тақдим этиш;

Харид қилинган маҳсулот(лар) яроқсиз бўлса ёки шартномада белгиланган маҳсулот(лар) томорқа ер эгаларига етказиб берилмаган тақдирда субсидия маблағларини Бошқармага зудлик билан қайтариш;

Томорқа ер эгалари томонидан томорқа ер участкасида экин экилганлигини мониторингини олиб бориш;

шартнома шартлари бузилганлиги ҳақида Бошқармани зудлик билан хабардор қилиш;

3.3. Томорқа ер эгасининг ҳуқуқ ва мажбуриятлари:

Шартномага кўра харид қилинган (ўрнатилган) маҳсулотлардан самарали фойдаланиш;

“OQJAR SIFAT SERVIS” МЧЖ дан шартномага кўра харид қилинган маҳсулотларни ўз вақтида етказиб берилишини талаб қилиш;

“OQJAR SIFAT SERVIS” МЧЖ дан шартномага кўра харид қилинган маҳсулотларнинг зарур сифат параметрлари таъминланган бўлишини талаб қилиш; шартнома шартларига тўлиқ риоя этиш.

IV. Тарафларнинг жавобгарлиги

4.1. Агар “OQJAR SIFAT SERVIS” МЧЖ томорқа ер эгаларига 15 кун муддатда маҳсулотларни етказиб (ўрнатиб) берилмаган тақдирда олинган субсидияни Бошқармага қайтариши шарт.

Мазкур шартнома ижроси давомида Бошқарма, “OQJAR SIFAT SERVIS” МЧЖ ва томорқа ер эгаларига зарар етказилса, қонунчиликда белгиланган тартибда бир тараф бошқа тарафга зарарни тўлаб беради.

4.2. Тарафлар мажбуриятларини ўз вақтида ва сифатли бажармаганликлари учун ҳар бир кечиктирилган кун учун 0,4 фоизи миқдорда, аммо кечиктирилган тўлов суммасининг 50 фоизидан ортиқ бўлмаган миқдорда Бошқармага пеня тўлайди.

4.3. Тарафлар шартнома талабларини бажармаганда ёки лозим даражада бажармаганда Ўзбекистон Республикасининг “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги Қонун талабларига мувофиқ жавобгар бўладилар.

V. Форс-мажор

5.1. Тарафлар ушбу Шартнома бўйича мажбуриятлар қисман ёки тўлиқ бажарилмаганлиги учун, агар ушбу бажармаслик Шартнома тузилгандан кейин пайдо бўлган, енгиб бўлмайдиган куч, яъни фавқулодда ва муайян шароитларда олдини олиб бўлмайдиган вазиятлар (форс-мажор) оқибати ҳисобланса, жавобгарликдан озод қилинади.

5.2. Мазкур Шартнома бўйича мажбуриятларни бажариш муддати енгиб бўлмас куч ҳолатлари амал қилган даврга мутаносиб равишда кечиктирилади. Агарда форс-мажор уч ой давом этса тарафлар мазкур Шартномани бир томонлама бекор қилишга ҳақли.

VI. Низоларни ҳал этиш тартиби

6.1. Мазкур шартнома юзасидан вужудга келадиган низолар ўзаро келишув йўли билан ҳал этилади.

6.2. Тарафлар низоларни ҳал этишда ўзаро келишувга эришилмаса, Ўзбекистон Республикаси қонунларига мувофиқ белгиланган тартибда суд орқали ҳал этилади.

VII. Қўшимча шартлар

7.1. Ушбу Шартнома 2 та (икки) нусхада тузилиб, улар бир хил юридик кучга эга.

7.2. Шартномага ўзгартириш ва қўшимчалар барча тарафларнинг келишувига кўра ёзма равишда амалдаги қонунчиликда ўрнатилган тартибда киритилиши мумкин.

7.3. Шартноманинг амал қилиш муддати “___” _____ 2022 йил.

Тарафларнинг реквизитлари

“Маҳаллабай ишлаш ва тадбиркорликни ривожлантириш Фарғона вилоят ҳудудий бошқармаси

Манзил: Фарғона ш. А.Навоий кўча 17-уй

Х/р: 305421860304017041907140097

“ASIA ALLIANCE” банк Фарғона вилоят филиали

МФО: 01173 ИНН: 207 339 183.

Телефон: 73-244-22-71

Бошқарма бошлиғи  А. Абдуллаев

“OQJAR SIFAT SERVIS” МЧЖ

Манзил: Данғара тумани Катта турк

Х/р: 2020 8000 9002 1627 3001

“Универсал БАНК” Қўкон филиали,

МФО: 00973

ИНН 302 584 292

МЧЖ раҳбари  С. Ниёзов



*Изоҳ: Тарафларнинг келишувига мувофиқ шартнома шартларига ўзгартириш ва қўшимчалар киритилиши мумкин.